



CENTRAL BANK OF SEYCHELLES

P. O. Box 701, Victoria, Seychelles

Tel: + (248) 4 282 000; Fax: + (248) 4 226 104

Website: www.cbs.sc

KOMINIKE LAPRES

Viktorya – 11 Zilyet 2017

Labank Santral i *relax* son polisi moneter pou siport en logmantasyon dan aktivite ekonomik anvi ki nivo lenflasyon pa ekspekte ogmant dan en fason alarman

Dan son miting ki ti fer le 27 Zen 2017, Bord ki responsab Labank Santral ti deside pou *relax* polisi moneter pour sa twazyenm kar lannen 2017. Sa i vedir ki lakantite likidite dan sistenm pour sa prosen trwa mwan pou ogmant par 5.8 pousan (5.8%) konpare avek sa trwa mwan avan, ki pou permet bann lenstitisyon finansyel donn plis loan zot kliyan.

Malgre ki sif ofisyel pibliye par Biro Nasyonal Statistik i montre ki pri dan komodite ek servis inn ogmante pandan sa premye lanmwatye lannen, Labank Santral pa ekspekte ki logmantasyon dan bann pri pour sa prosen trwa mwan pou lo en nivo alarman. Sa i prensipalman akoz in ganny prevwar ki i pa ekspekte annan okenn gran logmantasyon dan pri komodite lo marse enternasyonal e valer rounpi, malgre i pou afeblir enpe kont bann lezot lanmonnen prensipal, pou reste ase stab.

Pour premye fwa, Bord Labank Santral ti osi aprouv en striktir to lentere ki pou vinn aplikab dan bann tranzaksyon ki Labank Santral i fer avek bann lenstitisyon finansyel. To lentere ki pou aplikab pour sa bann lenstitisyon kan zot depoz zot larzan ki an ekse a lafen lazournen i pou 1 pousan (1.0%) e to lentere ki pou ganny sarze letan sa bann menm lenstitisyon pou pret larzan avek Labank Santral i pou 6 pousan (6.0%) Fodre fer resorti ki lenstitisyon finansyel i ekspekte vinn pret larzan kot Labank Santral konman en dernyen opsyon.

An gro, sa desizyon Bord Labank Santral i ekspekte ganny transmit dan en rediksyon dan to lentere ki bann lenstitisyon finansyel i aplike dan bann tranzaksyon avek zot bann kliyan, avek bi prensipal pou ede ogmant aktivite ekonomik dan pei.

Labank Santral pou kontinyen obzerv developman dan lekonomi e pou reakte kan i nesese pou fer sir ki son polisi i an linny avek son lobzektif prensipal pou mentenir stabilite dan pri.